



### **Crésia de Santu Sebastianu**

In Gésturi, sa Crésia de Santu Sebastianu, o de sa Madonna de su Rosàriu, s'agatat a is làcanas de bidda, pagu foras de su tzentru abbitau, acanta de su campusantu monumentalì. Est sa sea de sa cunfraria omónima.

S'edifítziu, de su 1600, fraigau in un'istilu simpli, tenit una navada isceti, cun duas capellas, una a dónnia parti, arcus a mesu circu a punta, sa cobertura de linna e su pùlpitu de linna decorada.

A parti de foras, in s'afaciada ddoi funt is contrammurus, unu bellu portali a punta e una ventana cun decoratzionis e culunnas lateralis; in pitzus ddoi at unu campanili piticheddu a vela, a duas lùxis, cun merruleris.

In su mesi de Friarxu s'afestat a su Santu: po s'ocasioni is fidelis arricint in donu s'aràngiu cumpriu cussus mesis.

Su primmu domínigu de Mesi de Ladàmini, imbecis, in sa crésia afestant a sa Madonna de su Rosàriu; custu afestamentu, is Gesturesus ddi nant fintzas "Sa Festa Nosta", ca est istétia sa prus festa de importu de sa bidda, finas a candu no iant cumentzau a afestai a Santu Nicola. Is Cunfraris de Sa Madonna de su Rosàriu, bistius de biancu, tanti chi ddis narant fintzas "Is Cunfraris Biancus", portant in pruceddioni sa cona de sa Madonna e su Santugristu; is Cunfraris Nieddus, imbecis, de sa crésia de su Santu Interru ndi bitint su Santugristu insoru.

Agatais totu is monumentus e is informus chi pertocant su Comunu de Gésturi in su situ istituzionalì:

- <https://www.comune.gesturi.su.it/>

\*\*\*

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.